

অবিলম্বে প্রকাশের উদ্দেশ্যে: 11/27/2019

গভর্নর অ্যাঙ্কু এম. কুওমো

গভর্নর কুওমো মোটরচালকদের নিরাপত্তা বাড়ানোর উদ্দেশ্যে নিউইয়র্ক স্টেটের মহাসড়কগুলো বরাবর অতিরিক্ত ইলেকট্রনিক বার্তা সংকেত ও ট্রাফিক ক্যামেরার ঘোষণা দিলেন

প্রধান প্রধান ট্রাফিক করিডোরগুলোতে প্রায় 300টি অতিরিক্ত ভেরিয়েবল মেসেজ সাইন (Variable Message Signs) এবং ট্রাফিক ক্যামেরা পরিচালিত হচ্ছে

প্রকল্পটি গুরুতর আবহাওয়া, যানবাহন দুর্ঘটনা এবং ভ্রমণকে প্রভাবিত করে এমন অন্যান্য ঘটনাবলীর সময় সুবক্ষা বৃদ্ধি করবে এবং ট্রাফিক ব্যবস্থাপনা উন্নত করবে

নিউ ইয়র্ক স্টেট জুড়ে 550টিরও বেশি VMS বোর্ড এবং 1,150টি ক্যামেরা কাজ করছে এবং 511NY-এর মাধ্যমে জনসাধারণের জন্য উপলভ্য রয়েছে

গভর্নর অ্যাঙ্কু এম. কুওমো আজ ঘোষণা দিয়েছেন যে নিউ ইয়র্ক স্টেটের প্রধান প্রধান ট্রাফিক করিডোর ধরে প্রায় 300টি অত্যন্ত গুরুত্বপূর্ণ ইলেকট্রনিক মেসেজ বোর্ড এবং ট্রাফিক ক্যামেরা স্থাপন করা হয়েছে। নতুন হাইওয়ে ক্যামেরা এবং ভেরিয়েবল মেসেজ সাইনগুলো ভ্রমণকারী জনগণের সাথে যোগাযোগের উন্নতি, নিরাপত্তা বৃদ্ধি এবং মোটর চালক ও ট্রাফিক সিস্টেম পরিচালকদের মধ্যে বৃহত্তর পরিস্থিতিগত সচেতনতা বৃদ্ধি করতে গভর্নরের উচ্চাভিলাষী উদ্যোগের একটি অংশ। উদ্যোগটি ভারী তুষারঝড়, গুরুতর আবহাওয়া, যানবাহন দুর্ঘটনা এবং ভ্রমণকে প্রভাবিত করে এমন অন্যান্য ঘটনাবলীর সময় ট্রাফিক পরিচালনার বিষয়ে গভর্নরের উদ্যমী পদক্ষেপের অংশ।

"গুরুতর আবহাওয়ার ঘটনা ক্রমবর্ধমান হারে বাড়ছে এবং এই নতুন ইলেকট্রনিক মেসেজ সাইন এবং ট্রাফিক ক্যামেরাগুলো গাড়ি চালকদের রাস্তার পরিস্থিতি এবং ট্রাফিকের বিষয়ে সর্বাধিক হালনাগাদকৃত তথ্য দেবে," **গভর্নর কুওমো বলেন।** "২১ শতাব্দীর পরিবহন ব্যবস্থা তৈরি করা কেবল নতুন রাস্তা ও সেতু নির্মাণের কাজ নয় - এটি মূলত চালকদের সমন্বয়যোগ্য তথ্য দেয়া যাতে তারা স্ত্রুত সিদ্ধান্ত নিতে পারে এবং নিরাপদে তাদের গন্তব্যে পৌঁছে যায়।"

এই উদ্যোগের অংশ হিসাবে, স্টেটের পরিবহন দপ্তর (Department of Transportation, DOT) প্রধান প্রধান ট্রাফিক করিডোরগুলোতে অত্যন্ত গুরুত্বপূর্ণ স্থানে অতিরিক্ত 125টি ক্যামেরা এবং 143টি VMS ইউনিট স্থাপন ও সক্রিয় করেছে। নতুন সরঞ্জাম স্থাপনের মাধ্যমে, এখন DOT 10টি পরিবহন পরিচালনা কেন্দ্র (Transportation Management Centers) এর সাথে সংযুক্ত এবং 511NY এর মাধ্যমে সর্বজনীনভাবে প্রবেশযোগ্য 1,150টি NYSDOT ক্যামেরা এবং 550টিরও বেশি NYSDOT

VMS বোর্ড রয়েছে। অতিরিক্ত বার্তা সাইনগুলো তুষার ঝড় সম্পর্কিত ট্র্যাভেল নিষেধাজ্ঞাগুলো ঘোষণা এবং আপডেট করার ক্ষেত্রে বিভাগের নাগালকে বাড়িয়ে তোলে - বিশেষত দীর্ঘ ট্রাক অপারেটরদের জন্য - পাশাপাশি রাস্তায় থাকা গাড়িচালকদের সমযোচিত তথ্য সরবরাহ করার জন্য।

থ্রুওয়ে কর্তৃপক্ষ তুষার এবং বরফের মরসুমের আগে তার 570 মাইল সিস্টেম জুড়ে অতিরিক্ত 25টি নতুন পোর্টেবল ভেরিয়েবল মেসেজ সাইনও মোতামেন করেছে। পোর্টেবল VMS বোর্ডগুলো স্টেট জুড়ে থ্রুওয়ের চারটি বিভাগে বিতরণ করা হয়েছে এবং কৌশলগতভাবে প্রয়োজন অনুযায়ী পুনর্বীর নিয়োগ করা হবে।

স্টেট জুড়ে থ্রুওয়ে কর্তৃপক্ষের এখন 78টি স্থায়ী এবং 120টিরও বেশি বহনযোগ্য VMS রয়েছে যা গুরুতর আবহাওয়া বা অন্যান্য আপতকালীন অবস্থা ও ট্রাফিক ঘটনার সময় জরুরি রিয়েল-টাইম বার্তা প্রদর্শন করতে পারে।

নিউ ইয়র্ক স্টেট থ্রাওয়ে ছাড়াও, নতুন ক্যামেরা এবং ভিএমএস ইউনিটের অবস্থানসমূহের মধ্যে রয়েছে:

- ইন্টারস্টেট 81
- ইন্টারস্টেট 84
- ইন্টারস্টেট 86
- ইন্টারস্টেট 87/নর্থওয়ে
- ইন্টারস্টেট 88
- ইন্টারস্টেট 490
- বাফেলো মেট্রো অঞ্চল হাইওয়ে

স্টেট পরিবহন বিভাগের কমিশনার ম্যারি থেরেস ডোমিঙ্গেজ বলেন, "গভর্নর কুউমো একটি স্মার্ট ট্রান্সপোর্টেশন নেটওয়ার্কে বিনিয়োগের মাধ্যমে নেতৃত্ব দিচ্ছে যা গাড়িচালকদের ট্রাফিকের পরিস্থিতি সম্পর্কে রিয়েল টাইমে অবহিত করে। এই নতুন VMS বোর্ড এবং ক্যামেরাগুলো গাড়িচালক এবং ট্রাফিক ম্যানেজারদেরকে অত্যন্ত গুরুত্বপূর্ণ তথ্য সরবরাহ করবে যা ভ্রমণ জনসাধারণের সামগ্রিক সুরক্ষা বর্ধন করার সময় বিশেষত বাজে আবহাওয়ার সময় তাদের আরও সচেতন সিদ্ধান্ত নিতে সহায়তা করবে।"

থ্রুওয়ে অথরিটির (Thruway Authority) এক্সিকিউটিভ ডিরেক্টর ম্যাথিউ জে. ড্রিসকোল

বলেন, "ভেরিয়েবল মেসেজ সাইন (Variable Message Signs) একটি অত্যাবশ্যকীয় সরঞ্জাম যা জরুরি বা আবহাওয়ার ঘটনা চলাকালে গাড়ি চালকদের জন্য অত্যন্ত গুরুত্বপূর্ণ বার্তা সরাসরি প্রদর্শন করে। আমাদের সিস্টেম জুড়ে এই বোর্ড আরও বেশি করে যোগ করার মাধ্যমে, চালকরাবাদের জন্য সেকেন্ডের মধ্যে অপরিহার্য রিয়েল-টাইম ভ্রমণ তথ্য প্রবেশাধিকার বৃদ্ধি করেছে।"

স্টেট পুলিশের সুপারিন্টেনডেন্ট কিথ এম. কোরলেট বলেন, "নতুন ইলেকট্রনিক সাইন এবং ক্যামেরা হ'ল একটি স্বাগত সংযোজন যা ট্র্যাফিক এবং আবহাওয়ার ঘটনা পরিচালনা করতে, এবং মোটর চালকদের সাথে কার্যকরভাবে যোগাযোগ করার জন্য স্টেট পুলিশ এবং DOT এবং ফ্রুওয়ে কর্তৃপক্ষে আমাদের অংশীদারদের দক্ষতা বৃদ্ধি করবে। এই প্রকল্পটি নিরাপত্তাকে অগ্রাধিকার দেয়ার আমাদের লক্ষ্যের সাথে সংগতিপূর্ণ।"

ফ্রুওয়ে অথোরিটি মোটরচালকদের তাদের [মোবাইল অ্যাপ](#) ডাউনলোড করতে উৎসাহিত করে যা আই ফোন এবং অ্যান্ড্রয়েড ডিভাইসে ডাউনলোডের জন্য বিনামূল্যে উপলভ্য। অ্যাপটি ব্যস্ততার সময় মোটরযান চালকদের রিয়েল-টাইমে ট্র্যাফিক এবং দিক-নির্দেশনা সহায়তা প্রদান করে। এছাড়াও মোটরচালকরা TRANSalert ইমেইলের জন্য সাইন আপ করতে পারে যা সমগ্র ফ্রুওয়ে জুড়ে সর্বশেষ ট্র্যাফিক পরিস্থিতি প্রদান করে [এখানে](#)।

ভ্রমণের পূর্বে ভ্রমণকারীগণ NYSDOT-র 511NY দেখে নিতে পারেন, 5-1-1 এ কল করে, [এখানে](#) 511 ওয়েবসাইটে গিয়ে অথবা আইটিউন (iTunes) বা গুগল প্লে (Google Play) থেকে 511NY মোবাইল অ্যাপটি বিনামূল্যে ডাউনলোড করার মাধ্যমে। বিনামূল্যে পরিষেবা ব্যবহারকারীদের রাস্তার পরিস্থিতি যাচাই করতে, ট্র্যাফিক ক্যামেরা দেখতে এবং অন্যান্য ট্রানজিট তথ্য অ্যাক্সেস করতে দেয়। অ্যাপটিতে এখন ড্রাইভ মোডের বৈশিষ্ট্য যোগ করা হয়েছে, এই মোডে ব্যবহারকারী তার বেছে নেওয়া সড়ক ধরে গাড়ি চালানোর সময়ে অ্যালার্ট শুনতে পাবেন, যেকোনো দুর্ঘটনা অথবা কনস্ট্রাকশনের কথা তাদের জানিয়ে দেওয়া হবে।

###

অতিরিক্ত তথ্য পাওয়া যাবে এখানে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)